

主 编 孙忠焕

杭州运河文献集成
④

杭州出版社

杭州运河文献集成

(第四册)

孙忠焕 主编

杭州出版社

图书在版编目(CIP)数据

杭州运河文献集成·第四册 / 孙忠焕主编. —杭州:
杭州出版社, 2009. 2

ISBN 978-7-80758-183-3

I. 杭... II. 孙... III. ①大运河—文献—杭州市
②杭州市—地方史 IV. K928.42 K295.51

中国版本图书馆 CIP 数据核字(2009)第 011558 号

唐 栖 志

[清]王 同 编纂
王其煌 顾志兴 标点
徐吉军 审校

说 明

《唐栖志》二十卷，清王同撰。

王同(1844—1909)，字肖兰，一字同伯，号吕庐，仁和(今杭州)人。少时就读敷文、崇文书院。清光绪三年(1877)进士，曾官刑部主事，后乞养归里。曾历主梅青、龟山、塘栖栖溪讲舍、慈湖书院等，又曾任杭州诂经精舍监院。光绪十九年(1893)任紫阳书院山长，至二十八年(1902)奉清政府令紫院书院改设仁和县学堂，任学堂总理。光绪八年(1882)五月至十四年(1888)曾协助丁丙补抄文澜阁《四库全书》，文澜阁重建后任书阁董事。《唐栖志》撰于王同主塘栖栖溪讲舍时。

塘栖为京杭运河上一渔村，宋时虽已有其名，然不甚著。元末张士诚为适应当时军事、经济发展的需要将运河截弯为直，加以改道，塘栖地位突显，塘栖遂因河而兴。至明代，塘栖已成为经济繁荣、文化发达之江南巨镇，至清续有发展。

《唐栖志》为清代所修塘栖镇志中最为详赡的一种，分图说、山水、桥梁、街巷、遗迹、祠庙、梵刹、人物、艺文、碑碣、冢墓、事记、诗记、杂记等 14 目，厘为 20 卷，史料丰富，价值较高，历来为人所重。为研究运河和运河周边小城镇发展的重要材料之一。本志据清光绪十六年刊本加以标点。

序

镇之名起于古之镇将。镇戍置将，自后魏始。唐制镇有三等：上镇、中镇、下镇。各置将副。宋初收藩镇权，诸镇省罢，略书所存者曰监镇。至于离县稍远者，则为巡检寨。然则今以巡检司所驻为镇，本于宋之监镇。而宋之监镇，实元魏镇将之余波也。唐栖者，仁和一大镇也。距杭州六十里，而近南北往来实为夷庚。市廛隐赅，闾阎鳞次。名虽镇也，实与小邑等。其南属仁和，而其北属德清，则余与有桑梓之谊。又镇之旧家有姚氏者，余与有连。余苏杭往返，经由其地，往往越宿而去。尝泛于丁山湖，登于超山，观梅于香雪楼。又尝观水嬉于长桥河下，皆有诗纪之。已而钱唐丁氏之《武林丛书》出，则有乾隆中何东甫之《唐栖志略》二卷，余甚喜之。而惜其纪载之未详。岁在己丑王同伯比部，主其镇书院讲席，论文余暇，访求古迹，乃取何氏所未详者，又参之于某氏某书、某氏某书，凡山水园林、桥梁市井、僧庐道观、土产民风，以及人物艺文，无不博考而实核之。其文繁富，而其体精严。余所见镇志，以吾湖汪谢城广文《南浔镇志》为最，今观此志无多让焉。同伯以名进士奉母家居，优游湖山，声望翕集，乃不余鄙弃，屈居门下。是志也成，求序于余。余笑曰：“吾主讲西湖诂经精舍二十余年，而于西湖掌故不得一二。今君主讲栖溪才二年耳，征文考献，哀然成书，才不及君奚止三十里。又何以序为？”然读

此志也，叹其考索之勤，与其编辑之瘁，而镇人夏君容伯又助之采访，以成其书。是皆不可不为镇人告也，因书数言以弁其端。余异时重过栖溪，维舟长桥，得此编而印证之，如王阮亭所歌之传经堂，杭董浦所访之大善寺，流风余韵，犹有存乎。可以慨然而赋矣。

光绪庚寅仲夏，曲园俞樾序。

凡 例

一、唐栖僻壤也，自漕河浚，长桥架，阡阡始聚，风气遂开。故元明以前纪载绝少迨。

国初张半庵辑《栖里景物略》随事搜录，未就编次。曹菽园复加详，曰《栖水文乘》，周逊庵分类成编，子目繁冗，叙纪重复。乾隆之初，何春渚先生见而病之，删繁就简，十不存一，署曰《志略》梓行。但张、曹过繁，而何志太简。兹则举张氏、曹氏、周氏之旧，益以近日韩氏生江之续编，证以群书，详加考订，庶遗文坠简，无至湮没。

一、何志已辑者，概不重载。略者补之，误者正之，何《志》仅数十叶，余书成二十卷，庶可为异日郡县志之助。

一、为目凡十四，曰“图说”，曰“山水”，曰“桥梁”，曰“街巷”，曰“遗迹”，曰“祠庙”，曰“梵刹”，曰“人物”，曰“艺文”，曰“碑碣”，曰“冢墓”，曰“事纪”，曰“诗纪”，曰“杂纪”，为卷凡二十。

一、天文、赋税、徭役、户口，此郡县志之责。镇地弹丸，不关令甲，概置勿录。

一、衙署、仓储、学校等，事非无可书，不足成卷。即风俗物产与郡邑同，间有专属唐栖，必宜采人者，仿万历《府志》之例，汇为事纪。

一、唐栖界仁和、德清，而西南所界并及钱塘，非如邑志之

划分畛域也。仁和以唐栖为镇，而德清《志》亦以唐栖为镇，并及青林、句垒等村，盖水南隶仁和，水北即隶德清。离镇远者，同属仁和，不能揽入。与镇近者，即隶他邑，亦属镇乡。故揭领提纲，首维图说，而循名责义，并附考辞。

一、何志详于山，而略于水。且山则首志独山，此据形家说也。然以唐栖志论，则超山实全镇主山，超山定而各山得所统属焉。至运河之亘上达下，市河之缕析条分，下至井漾潭泉，尤当详之，以明水利。

一、园亭别墅，陈迹空留，遗事悲凉，辄深凭吊，志曰遗迹。亦地以人传也。

一、何志以水南庙人梵刹，彼盖节取惟严。兹则有名必录，仍分祠庙、梵刹，以示区别。

一、志人物者，每多分子目。兹于选举之外，分孝友、义行两门，以示风厉。寓贤、方外两类以别土著。其余之事迹可传者，不分出处，概曰耆旧。即列女之节烈贞才，亦略加詮次，而不分卷目。至传文必采成编，不妄增一字。

一、艺文不胜搜辑，惟著书目或佚或存，不知盖缺。

一、诗人赋景咏物，比事属辞，已分隶矣。其有泛咏唐栖者，仿《西湖志》及东江《临平志》例作诗纪。

一、遗闻逸事，足资鉴法，足备掌故者，汇作杂纪。

一、何志成于乾隆己丑，余志成于光绪己丑，后先百二十年。若有数存，必曰媲美前贤，则余何敢。

一、《传经堂集》，志忠裔也。《佩兰集》、《柏舟集》志贞烈也。《横潭集》志风雅也。各集或数十叶，或十余叶，单行为难，拟附志末，俾广流传。

目 录

第一卷

图说 (11)

第二卷

山水 (32)

第三卷

桥梁 (62)

第四卷

街巷 (89)

第五卷

遗迹 (94)

第六卷

祠庙 (135)

第七卷

梵刹 (155)

第八卷

人物一选举表 (228)

第九卷

人物二孝友 (245)

第十卷

人物三义行 (250)

第十一卷

人物四耆旧上 (258)

第十二卷

人物五耆旧下 (291)

第十三卷

人物六列女 (335)

第十四卷

人物七寓贤 (360)

第十五卷

人物八方外 (369)

第十六卷

艺文附碑碣 (378)

第十七卷

冢墓 (390)

第十八卷

事纪 (432)

第十九卷

诗纪 (454)

第二十卷

杂纪 (482)

唐栖志卷一

图 说

稽古土训，掌道地图，广轮之数，职在司徒。唐栖所界亦数十里，郡二县，三错壤。于此苟无图说，焉辨起止？志图说。

唐栖镇 在仁和县北五十里，与湖州府德清县接界。明设县佐驻此，今有巡司。为商民辏集处。《大清一统志》。水南属仁和，水北属德清。长桥跨据南北，实官道舟车之冲。居人水北约二百家，水南则十倍。市帘沽旆，辉映溪泽。丝缕粟米，于此为盛。湖州府志与德清县志同。此镇宋时所无，而今为市镇之甲。亦以运道改移，日益繁盛。乾隆《杭州府志》。

今之唐栖，宋之下塘也。《咸淳临安志》有永泰里、葛墅里、今称葛墩。仲墅里、五杭里、博陆里、前庄里，今皆唐栖所统之乡村。而独无唐栖。盖南宋以前，南北往来，取道临平，临平镇，端拱元年置，事迹最古，故沈东江有《临平志》。而唐栖为下塘，僻处腹里，鲜问津者。观于宋高宗之由扬州至杭州，以及屡次亲征，视师御舟，泊临平者不一而足。即宋金聘使往来，亦于临平赤岸设班荆馆。从未有取道唐栖者，势使然也。惟下塘西之名一见于苏公之诗，一见于《宋史》“政和二年兵部尚书张阁之

议”。然曰下塘西，非今日塘西也。称唐栖者，于唐栖寺，见《端平诗隽》。之外，南宋之末仅见于严光大《行程纪》，缘其时自五林港而上至北新桥，数十里中有三里漾、十二里漾，风波之险而浅狭处几不通舟楫，则水路阻矣。大河之旁，溇港歧出，既无沿河之堤岸，又无支渡之桥梁，则陆路阻矣。水陆交阻，盗贼出没，商贾畏焉，谁复由此问途哉！至伪吴张士诚以军士往来，由伍临港开至北新桥，详《运河说》。而唐栖至杭始成大河。其时曰“新开河”，水路通矣，而陆路犹未也。迨明正统七年，通判易輶、巡抚侍郎周忱，自北新桥起，迤北而东至崇德县界，修筑塘岸，建造桥梁，详《运河说》。水陆通行，便于漕餉，而唐栖始为南北往来之孔道。于是驰驿者舍临平由唐栖，而唐栖之人烟以聚，风气以开。其时若陈氏，若卓氏，若沈氏、吕氏，皆以寓居而蔚为巨族。即泉漳之丁氏、沈氏，孤林村之胡氏，淶溪之徐氏，博陆之钟氏，亦皆以文章科第炳耀一乡。别墅园亭，甲于两邑，盖莫盛于前明。而唐栖以官道所由，风帆梭织，其自杭而往者至此得少休，自嘉秀而来者亦至此而泊宿。水陆辐辏，商货鳞集，临河两岸，市肆萃焉。爰作《唐栖市镇图》。镇之初名下塘，爰作《下塘漕河图》。超山，一镇之主山也，爰作《超山图》及《海云洞图》。



